

# ԴԱՆԱԿ՝ ՎԵՐԱԿԱՌՈՒՑՄԱՆ ԹԻԿՈՒՆԲԻՆ

## ԲԱՐՉՐԱՉԱՅՆ ՄՏՈՐՈՒՄՆԵՐ

Մեղափոխականի է նմանվում խմբագրությունն այս օրերին: Նամակների հոսք և չդադարող հեռախոսազանգեր, այցելուների շարան մեծ ու փոքր խմբերով և այս ամենը՝ անընդհատ, աշխատանքային օրվա բոլոր ժամերին: Տարբեր տարիքի, զբաղմունքի տեր ու կրթական մակարդակ ունեցող մարդիկ են մեզ դիմողները, բայց մեկն է այս օրերին նրանց բոլորին հուզող ու հետաքրքրող, նրանց հոգին ափսոսող հարցը. որքա՞ն է շարունակվելու Լեռնային Ղարաբաղի հարցի լուծման ձգձգումը, ԼՂԻՄ-ի և Հայաստանի շրջափակումը:

Շրջափակման ակտը որակելով որպես բացահայտ ոտընձուցում սուվերեն մի հանրապետության կողմից մյուսի նրկատմամբ, ընթերցողները պահանջում են իրենց ձայնը հասցնել կենտրոնական իշխանություններին, որոնք պարտավոր են լավ համալ, որ շրջափակումը տեղի է ունենում Ադրբեյջանի դեկլարաների գիտությամբ ու թողտվությամբ, որոնք իրենց շատ լավ են զգում կենտրոնի կողմից շնորհված անպատեղիության մթնոլորտում: Եվ անհա, անսպով մեր ընթերցողների համառ պահանջներին, այսօր խոսքը տալիս ենք նրանցից երկուսին:

**ԳՐԻԳՈՐ ԱՎԱԳՑԱՆ.** — թե ինչպիսի մեծ վնասներ է Աշխարհագրական գիտությունների դոկտոր, պրոֆեսոր, ժողովրդական կրթության ինստիտուտի ամբիոնի վարիչ

— Դարավերջի վաճառական, մարդու իրավունքների չլսված ոտնահարում, թուրք ու մուրարդարության ու ճշմարտության երեսին՝ այլ կերպ որակել չես կարող այն, ինչը մեր հանրապետության գլխին քերում է մեր հարևան «ինտերնացիոնալ» Ադրբեյջանը: Կալանք է դրված Լեռնային Ղարաբաղի ժողովրդի ազգային ինքնորոշման իրավունքի վրա, ամենավայրագ ձևերով շարունակվում են ԼՂԻՄ-ի և Խորհրդային Հայաստանի տնտեսական շրջափակումը, Բաքվում և Ադրբեյջանի մյուս վայրերում տակավին մնացած հայերի հետապնդումն ու հալածանքը: Կա՞ արդյոք մեկը, որ այսօր չըմբռնի ու չհասկանա, որ տնտեսական շրջափակումը հարված է ոչ միայն անընկճելի Ղարաբաղին ու Հայաստանին, այլև մեր մեծ երկրի բոլոր այն ժողովուրդներին, ովքեր օգնության ձեռք են մեկնել ավերիչ երկրաշարժի ահապոր ցավերից տնքացող մեր հանրապետությանը: Շրջափակումն, անշուշտ, հարված է նաև բոլոր նրանց, ովքեր ավերիչ երկրաշարժի առաջին իսկ օրերին եղան Հայաստանում՝ հանրապետության և նրա տուժած շրջանների վերածնունդը կազմակերպելու առաքելությամբ:

Եվ անհայն պահին, երբ սես ուշքի էր գալիս ու մեջքը ուղղում վիրավոր մեր լեռնաշխարհը, թիկունքից հարվածող դանակի նման գործի դրվեց շրջափակումը: Չեմ թվարկի,

իրենց նետելու վերակառուցման գնացքի անիվների տակ: Դուք լավ գիտեք նաև, թե ինչպիսի վիճակում են Հայաստանը հասնում Բաքվից ու Ադրբեյջանի մյուս հայաշատ վայրերից բռնագաղթվող մեր հայրենակիցները: Այսպես կոչված «Ադրբեյջանի ժողովրդական ճակատ» կազմակերպության կտրիճները առիթը բաց չեն թողնում «ադրբեյջանական դերախտից» մազապուրծ հայերին՝ կամանց ու երեխաներին, կողոպտել ու թալանել, նույնիսկ վերջին պահին, գաղթի վագոններում: Ահա թե ինչ աստիճանի կարող է հասնել անպատեղիության ցնորքով տարված ադրբեյջանական ազգայնամուլի «գթասրտությունը»: Ես էլ չեմ խոսում բացահայտ բռնությունների, ադրբեյջանական գյուղերում ու քաղաքներում հայերի նկատմամբ շարունակվող ավազակային հարձակումների, թալանի ու ըսպանությունների մասին:

Բուն նյութից շատ չհեռանալու համար ասեմ, որ միայն մեկ շարափա շրջափակումը, մախնական տվյալներով, Հայաստանին հասցրել է ավելի քան հարյուր միլիոն ռուբլու վնաս: Եվ այդ ամենը մեր երկրի դեկլարաների և ամբողջ աշխարհի աչքերի առջև, ԽՍՀՄ Գերագույն խորհրդի երկրորդ նստաշրջանի օրերին: Մի առիթով ես հրապարակով հայտարարեցի, որ ժողովուրդների ազգային ինքնորոշման իրավունքի բռնադատումը մահացու հարված է ամբողջ խորհրդային ֆեդերացիայի զարգացման, որ մի հանրապետության կողմից մյուսի նրկատմամբ իրականացվող տնտեսական ու քաղաքական շրջափակումը հղի է ամենածանր հետևանքներով, որը նրան է թիկունքից խրվող դանակի՝ վերակառուցման ամբողջ համակարգին: Համոզված եմ, որ իմ կարծիքը բաժանում են շատերը:

**ԱՇՈՏ ՂԱԶԱՐՅԱՆ.** — **ՀԿԿ Լեռնային շրջկոմի կազմակերպական բաժնի վարիչ**

— Ես ուզում եմ սկսել արդյունաբերական մեր շրջանի հիմնարկ-ձեռնարկություններ ու մ, շինարարական և մյուս կազմակերպություններում ստեղծված իրավիճակից, որը երկուրտով կարելի է բնութագրել այսպես. անելանելի իրավիճակ, դառը հիասթափություն:

Պատկերացրեք ինքներդ. երկու ամիս անընդհատ մաքրիկ չեն կարողանում ո՛չ նորմալ աշխատել, ո՛չ էլ, բնականաբար, նորմալ վարձատրվել: Միայն սեպտեմբեր ամսին շրջանը պակաս թողարկեց և սպառողներին չհասցրեց շուրջ 40 մլն ռուբլու արտադրանք: Դրան զուգընթաց բավականին քարղացան մեր արդյունաբերական ձեռնարկությունների և նրանց 5700 պատվիրատուների հարաբերությունները՝ պայմանագրային պարտավորությունները մեր կողմից չկատարելու պատճառով: Այսպիսով, հարևան հանրապետության կողմից Հայաստանի շրջափակումը խոր ցավ դարձավ նաև մեր հետո և մոտ շատ ու շատ գործընկերների ու սպառողների համար:

Պետք է խոստովանել, որ շրջափակում կոչվող ամոթալի այդ ակտի հետևանքով հատկապես ծանր ու մեծ վնասներ կրեցին մեր հանրապետության և Երևան քաղաքի աշխատավորները: Այսպես, այդ նույն սեպտեմբեր ամսում շրջանի սննդարդյունաբերությունը պակաս թողարկեցին, հետևաբար նաև պակաս վաճառվեց 600 հազար ռուբլու արտադրանք, իսկ թեթև արդյունաբերական ձեռնարկությունների կողմից պակաս թողարկված արտադրանքը, գուժարային արտադրությամբ, հատեց մեկուկես միլիոն ռուբլու տախտակագիր:

Շրջափակումը ստանձնապես ծանր նստեց այն կոլեկտիվների վրա, որոնք կոնկրետ պարտականություններ են ըստանձնել հանրապետության տուժած շրջաններին օգնելու համար: Գաղտնիք չէ, որ ձմեռան մախաշեմին, ստանձնապես կարևոր մշակակություն է ստանում աղետալների հանրապետության կողմից մյուսի շրջանը ըստանձնել է Ղուկասյանի շրջանին օգնություն ցույց տալու շեֆությունը և տարբեր աշխատանքներին զուգընթաց խոստացել կառուցել ու մինչև ձմեռ տեղադրել 3000 տնակ: Մինչև աշնան վերջը այդ գործը պետք է ավարտված լինել: Մինչդեռ այսօրվա դրությամբ պատրաստվել է ընդամենը 1000 տնակ, ուրից տեղ է հասցրվել ու տեղադրվել ընդամենը 300-ը: Ինչո՞ւ: Երկու պարզ պատճառով. շրջափակման հետևանքով խաթարվել է նյութամատակարարումը և երկ-

րորդ՝ չկա վառելանյութ պատրաստի տնակները աղետալ շրջան տեղափոխելու և տեղադրելու համար:

Մի ուրիշ դառնություն էլ է պատճառել մեզ շրջափակման «ստրատեգիան»: Չենք՝ կարողանում Լեռնային Ղարաբաղ հասցնել ճանկա ընկնելու պատրաստ մեր ավտոշարասյունը՝ շինանյութերով, պարենով և առաջին անհրաժեշտության այլ ապրանքներով բեռնելով: Մեկուկես տարի շրջափակմանը դիմակալող Ղարաբաղի մեր հայրենակիցներին մենք օգնել չենք կարողանում այն պարզ պատճառով, որ շրջափակված են մեր հանրապետությունը ԼՂԻՄ-ին կապող բոլոր մայրուղիները: Հետևանքը պարզ է. ողորկվելիք պարենամթերքի մի ըզզալի մասը արդեն փչացել, կորցրել է ապրանքային իր տեսքը: Միայն փաստեր են, որոնք ցավ ու կսկիծ են բորբոքում:

Շրջանի կուսակցական կազմակերպությունները, սկսած շրջանային կոմիտեից մինչև արտադրամասային կուսակցական ինքերը, հնարավոր ու անհնար տեղն ինչ անում են աշխատավորների զայրույթը մեղմելու և ուժերը պահպանելու առաջադրանքների կատարմանը ողորկելու համար: Բայց որքա՞ն կարելի է խոստանալ ու համոզել: Շրջանի աշխատավորների մեջ սասանվում է հավատը կուսակցության ու կառավարության նկատմամբ: Մի՞թե Հայաստանը իսկապես անտեր է, մի՞թե արդարությունը մեր երկրում բուն չունի. — հարցնում են մարդիկ:

Ես բաժանում եմ ընկեր Ավագյանի այն միտքը, որ մի հանրապետության կողմից մյուսի շրջափակումը, արդարացի լուծում պահանջող հարցի արհեստական ձգձգումը ծանր հարված է վերակառուցման սրբազան գործին: Բայց և ուզում եմ հավատալ (ու տակավին հավատում եմ), որ արդարությունը չի մահանա, որ շրջափակումը վաղ թե ուշ կըվերացվի, բայց և այնպես, միացնելով իմ ձայնը շրջանի կոմիտեիսաների, բոլոր աշխատավորների ձայնին, ուզում եմ ասել. իսկ է՞րբ:

Տպագրության պատրաստեց  
Ս. ՍԱՐԳՍՅԱՆԸ